



საქართველო
ხარაგაულის მუნიციპალიტეტის მერია
GEORGIA
KHARAGAULI MUNICIPALITY CITY HALL



5600, ხარაგაული, 9 აპრილის ქ. 15 ტელ.: (433) 221520
N15. 9Aprili str. Kharaauli
Tel: (433) 221520
E-mail: kharagauli@imereti.ge

N 49/7303
05/12/2018

7303-49-2-201812051240



სსიპ „საქართველოს საკანონმდებლო მაცნე“-ს

ხარაგაულის მუნიციპალიტეტის მერიაში 2018 წელს შემოსულ
საჯარო ინფორმაციის მოთხოვნაზე რეაგირების მდგომარეობის შესახებ

ა ნ გ ა რ ი შ ი

მოგახსენებთ, რომ ხარაგაულის მუნიციპალიტეტის მერია საქართველოს კანონის „საქართველოს ზოგადი ადმინისტრაციული კოდექსი“-ს მოთხოვნების სრული დაცვით წარმართავს მუშაობას საჯარო ინფორმაციის მოთხოვნაზე რეაგირებისას. „საქართველოს ზოგადი ადმინისტრაციული კოდექსი“-ს 35-ე და 38-ე მუხლების საფუძველზე, საჯარო ინფორმაციის ხელმისაწვდომობის მიზნით მუნიციპალიტეტის მერიის ადმინისტრაციულ სამსახურში გამოყოფილია პასუხისმგებელი პირი, რომელიც უზრუნველყოფს ხარაგაულის მუნიციპალიტეტის მერიაში არსებული მოთხოვნილი და გაცემული საჯარო ინფორმაციების რეესტრში შეტანას.

2018 წელს ხარაგაულის მუნიციპალიტეტის მერიის მიერ გაცემული საჯარო ინფორმაციები არ გასაჩივრებულა, რეაგირების გარეშე არ დარჩენილა არცერთი მოთხოვნა. ყურადღებით ვეკიდებოდით საქართველოს კანონის, საქართველოს ზოგადი ადმინისტრაციული კოდექსი“-ს მოთხოვნებს და ვიცავდით ვადებს, ამის გამო ზოგჯერ გამოყენებული გვაქვს „ზოგადი ადმინისტრაციული კოდექსი“-ს მე-40 მუხლის მე-2 პუნქტი, ვინაიდან მოთხოვნილი საჯარო ინფორმაცია ხშირად იყო მნიშვნელოვანი მოცულობის, ერთმანეთთან დაკავშირებული და ცალკეული დოკუმენტები მოითხოვდა მოძიებას და დამუშავებას.

2018 წლის საანგარიშო პერიოდში ხარაგაულის მუნიციპალიტეტის მერიაში კერძო და იურიდიული პირებიდან საჯარო ინფორმაციის მოთხოვნაზე სულ შემოსულია 31 განცხადება. ყველა შემოსულ საჯარო ინფორმაციის მოთხოვნაზე გაცემულია პასუხი. ძირითადად ითხოვდნენ საჯარო ინფორმაციას შემდეგ საკითხებზე: მუნიციპალიტეტის ტერიტორიაზე ხეების უკანონო ჭრის ფაქტზე, სტიქიის შედეგად დაზარალებულ

მოქალაქეებზე გაცემულ დახმარებებზე, საცხოვრებელი სახლების სარეაბილიტაციოდ თანხების გაცემის შესახებ, არჩევნების შემდეგ მერიის სტრუქტურებში განხორციელებული რეორგანიზაციის შედეგად და პირადი განცხადებით თანამშრომლების სამსახურიდან გათავისუფლების შესახებ, მუნიციპალიტეტის ა(ა)იპ-ებში საშტატო ნუსხისა და დაფინანსების შესახებ, 2019-2020-21 წლებში განსახორციელებელ ინფრასტრუქტურულ და სხვა სახის პროექტების შესახებ, მერიისა და მისი სამსახურების, ასევე საკრებულოს მიერ გახარჯულ სამივლინებო, საწვავისა და წარმომადგენლობითი ხარჯების შესახებ, მერიის თანამშრომლების მიერ ანაზღაურებადი და უხელფასო შვებულებით სარგებლობის მდგომარეობის შესახებ, მერიის შიდა აუდიტისა და მონიტორინგის სამსახურის მიერ გამოვლენილი დარღვევებისა და გაცემული რეკომენდაციების შესახებ, საკრებულოს ფრაქციების მიერ გაწეული ფინანსური ხარჯების შესახებ, საჯარო ინფორმაციის გაცემის მდგომარეობის შესახებ.

საჯარო ინფორმაციები გადაეგზავნათ: მულტიმედიაცენტრ „ჩემი იმერეთის“ რედაქციას, ხარაგაულის მუნიციპალიტეტის საკრებულოს, ხარაგაულის რაიონულ სამმართველოს, „საერთაშორისო გამჭვირვალობა საქართველო“-ს, საქართველოს ახალგაზრდა იურისტთა ასოციაციას, ა(ა)იპ ინფრასტრუქტურის მშენებელთა ასოციაცია“-ს, შ.პ.ს. „ჩემი ხარაგაული“-ს რედაქციას, მმართველობის მონიტორინგის ცენტრს, საქართველოს იუსტიციის სამინისტროს, ხარაგაულის მაჟორიტარი დეპუტატის ბიურო, საკრებულოს ფრაქციებს და სხვებს.

შემოსული განცხადებები განეკუთვნებოდა მერიის კომპეტენციას, ყველა შემოსულ განცხადებაზე გაცემულია პასუხები.

თოფურიძე ნიკოლოზ

მუნიციპალიტეტის მერი
ხარაგაულის მუნიციპალიტეტი მერია

